

Bosna i Hercegovina  
Federacija Bosne i Hercegovine  
Kanton Središnja Bosna/Srednjobosanski kanton

#### KANTONALNI SUD U NOVOM TRAVNIKU

Broj: 06 0 K 007244 21 Kbs

Novi Travnik, 30.5.2022. godine

Kantonalni sud u Novom Travniku u vijeću sastavljenom od sudaca Darmin Avdić kao predsjednik vijeća, te Katica Jozak-Madžar i Lazarela Porić kao članovi vijeća, uz sudjelovanje Sanele Nesimi kao zapisničara, u kaznenom predmetu osuđenika A. Č., zbog kaznenog djela učestvovanje u tuči iz člana 174. Kaznenog zakona Federacije BiH, odlučujući po zahtjevu osuđenika za brisanje iz kaznene evidencije, a temeljem odredbe člana 425. Zakona o kaznenom postupku Federacije BiH, te člana 125. stav 1. točka b) Kaznenog zakona Federacije BiH, dana 27.5.2022. godine donosi slijedeće:

#### RJEŠENJE

Utvrđuje se brisanje osude izrečene pravomoćnom presudom ovog suda broj 06 0 K 007244 14 K od 03.07.2015. godine, ista pravomoćna sa danom 20.04.2017. godine, kojom presudom je osuđenom A. Č. sin S. i majke R. r. O., rođen ... u mjestu D. V, općina P.-R., JMBG..., za počinjeno kazneno djelo učestvovanje u tuči iz člana 174. Kaznenog zakona Federacije BiH izrečena uslovna osuda kojom se istom utvrđuje kazna zatvora u trajanju od 6 (šest) mjeseci i istovremeno određuje da se kazna neće izvršiti ako optuženi u roku od 2 (dvije) godine ne počini novo kazneno djelo počev od dana pravomoćnosti presude.

Brisanje osude ima se, po pravomoćnosti ovog rješenja provesti u kaznenoj evidenciji u kojoj je ova osuda evidentirana.

#### Obrazloženje

Presudom ovoga suda broj 06 0 K 007244 14 K od 03.07.2015. godine tada optuženik A. Č. oglašen je krivim za kazneno djelo učestvovanje u tuči iz člana 174. Kaznenog zakona Federacije BiH. Optuženom je za počinjeno kazneno djelo izrečena uslovna osuda kojom se istom utvrđuje kazna zatvora u trajanju od 6 (šest) mjeseci i istovremeno određuje da se kazna neće izvršiti ako optuženik u roku od 2 (dvije) godine ne počini novo kazneno djelo počev od dana pravomoćnosti presude. Vrhovni sud Federacije BiH svojom presudom broj 06 0 K 007244 16 Kž 4 od 20.04.2017. godine potvrdio je presudu ovog suda pa je ista postala pravomoćna sa 20.04.2017. godine.

Dana 31.12.2021. godine osuđenik A. Č., temeljem člana 423. Zakona o kaznenom postupku Federacije BiH podnio je ovom sudu zahtjev za brisanje navedene osude. Postupajući po tom zahtjevu sud je prije odlučivanja pribavio izvod iz kaznene evidencije za osuđenika. Prema dopisu Policijske stanice Prozor-Rama broj 02-02/4-4-03-02-226/22 od 04.04.2022. godine o dostavi podataka iz kaznene evidencije vidljivo je da A. Č. poslije navedene presude Kantonalnog suda u Novom Travniku

više ne prolazi kroz kaznenu evidenciju, dakle da nakon osude po pomenutoj presudi više nije osuđivan.

Kod takvog stanja stvari, a obzirom da je odredbom člana 125. stav 1. točka b) Kaznenog zakona Federacije BiH, između ostalog, propisano da se po sili zakona uslovna osuda briše iz kaznene evidencije po proteku roka od jedne godine od dana prestanka vremena provjeravanja, ako za to vrijeme osuđenik ne počinu novo kazneno djelo.

Iz svega navedenog proizlazi da su se u konkretnom slučaju stekli zakonom propisani uslovi za brisanje osude osuđenog A. Č. po pravomoćnosti presude Kantonalnog suda u Novom Travniku broj 06 0 K 007244 14 K od 03.07.2015. godine, ista pravomoćna sa danom 20.04.2017. godine, kojom mu je izrečena uslovna osuda kojom se istom utvrđuje kazna zatvora u trajanju od 6 (šest) mjeseci i istovremeno određuje da se kazna neće izvršiti ako u roku od 2 (dvije) godine ne počinu novo kazneno djelo počev od dana pravomoćnosti presude.

Zbog svega gore navedenog odlučeno je kao u izreci.

Zapisničar  
Sanela Nesimi

Predsjednik vijeća  
Darmin Avdić